

Ngoenzgonq Ngoenzneix Mbwn Caeuq Namh

□ Yiz Ciz / 余 执

Mbwk:
Cuengq boux lwg haenznaz,
Lwg gwn nya gwn nyak,
Daej daengz ndang fatndat,
Bae gvaq bak ngaenzyw.

Sai:
Seiz lwg bae hagdangz,
Lauxsae bang saeg bouh(buh),
Beuj haex caiq beuj nyouh,
Bouxboux cungj haenh ndei.

Mbwk:
Aemq lwg caiq dawz rap,
Byaij batci batcaiz,
Gaxgonq hong vunzlai,
Meh loenq geijlai hanh.

Sai:
Seiz lwg hwnj hagdangz,
Meh cix angq bae doengh,
Baedauq miz boux soengq,
Bae doengh hix mbouj you.

Mbwk:
Lwg daej youq baihlaeng,
Meh hix raen dungx cieq,
Lwg cix daej dungxiex,
Meh dungx cieglinlin.

Sai:
Seiz lwg bae yozyau,
Dauq daengz ranz cix gwn,
Mbouj deng ndit deng fwn,
Gwn gijmaz caih genj.

Mbwk:
Bouxlwg aemq baihlaeng,
Meh raen baeg yaek dai,
Donq hong mbouj caengz gvaiz,
Meh daraiz ndaw naz.

Sai:
Bae doegsaw naengh ceh(ci),
Bohmeh hix mbouj you,
Mbouj lumj ciuhgeq raeuz,
Aen hwet gaeuzngvemngvem.

Mbwk:
Ngoenzngoenz buetndaeundaeu,
Lumj aen daeuq daemjbaengz,
Ngoenzngoenz baenqyaeng'yaeng,
Ndang ndaem lumj duzdoengh.

Sai:
Gwqneix mbouj sinhoj,
Noh hau lumj valeiz,
Haethaemh ndaej gwn ndei,
Dwkgeiz youh diuq angq.

Mbwk:
Gaxgonq hong vunzlai,
Mbouj ninz gvaiz saek donq,
Cib yiengh hong doxgyonj,
Youq mbouj onj mbouj an.

Sai:
Reihnaz faen daengz hoh,
Bouxboux doq saeuqyouz,
Daengz ngoenz ndaem ngoenz sou,
Mboujyung h naeuz doxheuh.

Mbwk:
Gaxgonq hong vunzlai,

Guh dai gwn mbouj doh,
Ngoenzngoenz bae'ngo'ngo,
Haeux coq bak mbouj rim.

Sai:
Reihnaz faen daengz ranz,
Lwglan cungj raen angq,
Raeuz gag boux gag ganq,
Ndaej vangq couh eu fwen.

Mbwk:
Banhaemh dauq daengz ranz,
Ganq gueng mou gueng gaeq,
Lwg raen meh cix naeh,
Fanz dungxsaej yaek dai.

Sai:
Gwqneix mbouj gangj geq,
Nyeq(noh) biz hix mbouj gwn,
Yawj yienghyiengh naeuz nywnx,
Gwn byaekcenz feihdauh.

Mbwk:
Hojlienz boux duicangj,
Gangj lai hix dwgrengz,
Bouxlawz guh mbouj deng,
Doxceng ngoenz daengz haemh.

Sai:
Seizneix raeuz gag ganq,
Fouz boux guenj boux naeuz,
Donq gwn ngaiz gwn caeuz,
Aeu fwen daeuj doxhaenh.

Mbwk:
Dwgco h boux duicangj,
Gvangjbo heuh mbouj dingz,
Haet heuh daengz banringz,
Sing hep daengz hozmanh.

Sai:
Seiz gak ranz gak bae,
Mboujcae q(caiq) naeuz doxheuh,
Guhhong mbouj doxeuq,
Ganq liux cix dauq ranz.

Mbwk:
Gaxgonq caen dwg yaez,
Geij diuz faex caep rauq,
Dawz ndaej song sam sauh,
Aen rauq baenz dwk feiz.

Sai:
Seiz gihgai rauqfaz(diet),
Daz bae caiq daz dauq,
Mbouj dwg naeuz gangj fauh,
Ngoenz rauq bak moux naz.

Mbwk:
Gaxgonq dawz caefaex,
Cae bae naekngaeungaeu,
Duzvaiz hwet cix gaeuz,
Boux yaeuj(riuj) cae hix gyaih.

Sai:
Seizneix dawz rauqfaz(diet),
Gwed hwnj mbaq cix mbaeu,
Reihnaz lai mbouj you,
Rauq bae mbaeufiegfieg.

Mbwk:
Aeu doengjfaex rap raemx,
Doengjraemx laeuhyeye,

Aeu namhnding daeuj nez(fong),
Yied nez de yied laeuh.

Sai:
Seiz mbouj gangj yungh doengj,
Raemx gag soengq daengz ranz,
Aen laeuz geij caengz sang,
Hix ndaej an daengz dingj.

Mbwk:
Aeu doengjfaex rap raemx,
Gaemh mbaq naekngae'ngae,
Byaij yamq dinj yamq raez,
Foedfwd bae yaek liux.

Sai:
Seizneix raemx gag lae,
Raeuz mboujcae q(caiq) yungh mbaq,
Doengjfaex seiz mbouj ra,
Aen mbaq mbouj dwgrengz.

Mbwk:
Gaxgonq ndaem haeuxdoj,
Raeuz mbouj rox naeuz ndei,
Naed iq lumj duzreiz,
Beibei(bibi) gwn mbouj doh.

Sai:
Seizneix ndaem haeuxhek,
Mbek raihraih cungj baenz,
Moux ndaej geij cien gaen,
Bouxboux raen cungj ngah.

Mbwk:
Ndaem haeux mbouj fatnga,
Go'nya sang lumx hoq,
Yawj le raen namh gyog,
Aeu maz goq daengx ranz.

Sai:
Seizneix miz gohyoz,
Rox guenj cix fungsou,
Haeux moq yaek baenz sou,
Haeux gaeuq lw gvaq fanh.

Mbwk:
Gaxgonq ndaem haeuxdoj,
Caen gwn hoj yaek dai,
Gode mbouj baenz lai,
Raeuz ngaiz iek geij ciuh.

Sai:
Seiz miuzit miuzngeih,
Go beij go baenz lai,
Gwn mbouj liux caiq gai,
Ndaej cienzcaiz roengz daeh.

Mbwk:
Gaxgonq raeuz ndaemnaz,
Lumj mo bya mo nyauh,
Ngoenz ndaem geij luengj rauq,
Dauq bibuengq linlin.

Sai:
Seizneix raeuz ndaemnaz,
Mbouj miz maz youqgaenj,
Loek gihgai baez baenq,
Haenq(ak) gvaq bak vunz ndaem.

Mbwk:
Gaxgonq raeuz ndaemnaz,
Ra cik caiq ra conq,
Hong vunzlai doxgyonj,

Rau conq aeu goengfaen.

Sai:
Seizneix raeuz ndaemnaz,
Mbouj ra cik ra conq,
Danhfan z ukgyaeu j fonj,
Onj ndaem couh onj sou.

Mbwk:
Ndaemnaz aeu cik rau,
Lumj duz gymqgyau raih,
Fajfwngz ndaem mbouj vaiq,
Raih aeu ndaem geij ngoenz.

Sai:
Seiz ndaemnaz le ndek(vut),
Haeux cix dek dauq byai,
Bibi haeux baenz lai,
Gai mbouj liux fat mod.

Mbwk:
Seizgonq raeuz ndaemnaz,
Lij aeu daz diuz sienq,
Daengngoenz hwnj geij ciengh,
Daz sienq hix caengz baenz.

Sai:
Seizneix raeuz ndaemnaz,
Mbouj ra maz daz sienq,
Boux cawj byaek caengz bienh,
Baenqcieng dauq daengz ranz.

Mbwk:
Seizgonq raeuz ndaemnaz,
Gen ga haenqdingding,
Gyaeu j ngaem lumj ndungjndingq,
Yaek ce mingh ndaw naz.

Sai:
Seizneix raeuz ndaemnaz,
Laep da hix ndaej ndek(vut),
Gen ga baenqv etvet,
Mbouj begfeiq goengrengz.

Mbwk:
Seizgonq ndaemnaz numq,
Gumq sienq bae coh mbwn,
Ronghndwen hwnj daengz gwnz,
Ndwn gyangnaz daengz haemh.

Sai:
Seizneix raeuz ndaemnaz,
Laep da cix ndaej raih,
Gihgai ndaem ndaej vaiq,
Saedcaih ndaej soeng rengz.

Mbwk:
Fwngz ndeu mbek go'gyaj,
Faj ndeu cix daeuxhoq,
Hwet gaeuz bae'ngo'ngo,
Lumj gyaeujhoq yaek bod.

Sai:
Seizneix hwet mbouj gaeuz,
Raeuz caiq mbouj daeuxhoq,
Mbouj dwg lumj ciuhboh,
Daeuxhoq cij ndaemnaz.

Mbwk:
Ngoenz ndaem ndaej naj naz,
Song da dotngaeungaeu,
Daengngoenz ciuq roengzdaeuj,
Gyaeujngun h lumj yaek dai.